

歷代帝王宅京記卷八

崑山顧炎武著

吳縣朱記榮校刊

雒陽中

水經注曰洛陽周公所營洛邑也故洛誥曰我卜瀍水東亦惟洛食其城方七百二十丈南繫於洛水北因於邠山以爲天下之湊方六百里因西爲千里春秋昭公二十三年晉合諸侯大夫成周之城故亦曰成周也遷自序云太史公留滯周南摯仲治曰古之周南今之洛陽漢高祖始欲都之感婁敬之言不日而駕行矣屬光武中興定居洛邑逮於魏晉咸兩宅焉故魏略曰漢火行忌水故去其水而加佳魏爲土德土水之牡也水

歷代帝王宅京記卷八

一

朱氏槐廬校刊

得土而流土得水而柔除佳加水

又曰伊水又東北至洛陽縣南逕園丘東大魏郊天之所準漢故事建之漢書郊祀志曰建武二年初制郊兆於洛陽城南七里爲園壇八陛中又爲重壇天地位其上皆南向其外壇上爲五帝位其外爲壝重營皆紫以像紫宮

又曰穀水又逕河南王城北所謂成周矣公羊曰成周者河東周也何休曰名爲成周者周道始成王所都也地理志曰河南河南縣故邠鄠地也京相璠曰邠山名鄠地邑也卜年定鼎爲王之東都謂之新邑是爲王城其城東南名曰鼎門蓋九鼎所從入也故謂是地爲鼎

中楚子伐陸渾之戎問鼎於此述征記曰穀洛二水本於王城東北合流所謂穀洛鬪也今城之東南缺千步世又謂之穀洛鬪處俱爲非也余按史傳周靈王之時穀洛二水鬪毀王宮王將竭之太子晉諫王不聽進堰三堤尙存國語周靈王二十二年穀洛鬪將毀王宮王欲壅之太子晉諫曰不可王卒壅左傳襄公二十五年齊人城邾穆叔如周賀韋昭曰洛水在王城南穀水在王城北東入於漣至靈王時穀水盛出於王城西而南流合於洛兩水相格有似於鬪而毀王城西南也穎容著春秋條例隋經籍志云漢公車徵士穎容著春秋釋例十卷言西城梁門枯水處世謂之死穀是也始知緣生行中造次入關經究故事與實違矣考王封周桓公於是爲

歷代帝王宅京記卷八

二

朱氏槐廬校刊

西周及其孫惠公封少子於鞏爲東周故有東西之名矣秦滅周以爲三川郡項羽封申陽爲河南王漢以爲何南郡王莽又名之曰保忠信鄉光武都洛陽以爲尹尹正也所以董正京畿率先百郡也穀水又東逕乾祭門北左傳昭公二十四年士伯立於乾祭而問於介眾乾祭王城北門子朝之亂晉所開也東至於千金竭河南十二縣境簿曰河南縣城東十五里有千金竭洛陽記曰千金竭舊堰穀水魏時更修此堰謂之千金竭積石爲竭而開溝渠五所謂之五龍渠渠上立塌塌之東首立一石人石人腹上刻勒云太和五年二月八日庚戌造築此竭更開溝渠此水衡渠上其水助其堅也蓋魏明帝修主張故績也竭是都

早起

枕上^特论^影琴好梦回^影晓^影乌^影阳^影晓^影催^影清^影风^影捲^影管^影歌^影入^影旭
日^特移^影树^影影^影未^影歇^影系^影炊^影烟^影海^影危^影起^影一^影双^影托^影燕^影待^影簾^影窗^影未^影
交^影他^影安^影心^影去^影累^影且^影托^影因^影毛^影子^影自^影裁^影

午睡

自^影侯^影芸^影窗^影赋^影感^影篇^影绿^影槐^影高^影垂^影影^影初^影圆^影风^影侵^影竹^影榻^影凉^影移^影可^影
日^影渡^影毛^影輒^影缓^影似^影年^影倦^影後^影抛^影书^影情^影脉^影一^影间^影中^影攤^影饭^影腹^影便^影一^影
赫^影震^影鸚^影鵒^影前^影吟^影噪^影蝉^影韻^影低^影揚^影不^影礙^影眠^影

晚步

绿^影陰^影消^影交^影趾^影中^影藏^影踏^影履^影未^影追^影柳^影分^影凉^影隔^影岸^影鳥^影啼^影入^影麻^影衣^影
村^影犬^影吠^影踏^影芒^影鞋^影中^影踐^影赴^影诗^影任^影的^影携^影杖^影值^影歸^影樵^影擔^影世^影山^影可^影猿^影
聲^影不^影在^影雅^影和^影幾^影点^影送^影斜^影陽^影

夜谈

酒^影罷^影茶^影餘^影興^影轉^影出^影待^影朋^影琴^影友^影病^影綢^影繆^影刻^影衰^影常^影物^影心^影如^影市^影從^影
來^影休^影憶^影危^影似^影舟^影一^影盞^影螺^影毛^影情^影遣^影春^影滿^影腮^影月^影遠^影話^影風^影流^影
頻^影揮^影塵^影尾^影話^影如^影許^影銀^影蟾^影繞^影殘^影夜^影為^影笛^影

水使者陳協造語林曰陳協數進阮步兵酒後晉文王欲修九龍堰阮舉協文王用之掘地得古承水銅龍六枚堰遂成水厯竭東注謂之千金渠逮於晉世大水暴注溝瀆泄壞又廣功焉石人東脇下文云太始七年六月二十三日大水并瀑出常流上三丈蕩壞二竭五龍泄水南注瀉下加歲久漱齧每澇卽壞厯載捐棄大功故爲今竭更於西開泄名曰代龍渠地形正平誠得瀉泄至理千金不與水勢激爭無緣當壞由其卑下水得踰上漱齧故也今增高千金於舊水一丈四尺五龍自然必厯世無患若五龍歲久復壞可轉於西更開二竭二渠合用二十三萬五千六百九十八功以其年十月

歷代帝王宅京記卷八

三

朱氏槐廬校刊

二十三日作功重人少到八年四月二十日畢代龍渠卽九龍堰也後張方入洛破千金竭遺基見存朝廷太和中修復故竭北引渠東合舊瀆舊瀆又東晉惠帝造石渠於水上

按橋西門之南頰文稱晉元康二年十一月二十日改治石巷水門巷東西長七尺南北龍尾廣十二丈巷瀆口高三丈謂之鞞門橋又潘岳西征賦曰秣馬鞞門卽此處也穀水又東又結石梁跨水制城西梁也穀水又東左會金谷水水出太白原東南流厯金谷謂之金水東南流逕晉衛尉卿石崇之故居也石季倫金谷詩集敘曰余以元康七年從太僕出爲征虜將軍有別廬在

河南界金谷澗中有清泉茂樹眾果竹柏藥艸蔽翳西北角築之謂之金墉城魏文帝起層樓於東北隅晉宮閣名曰金墉有崇天堂卽其地上架木爲榭皇居創徙宮極未就止蹕於此構宵榭於故臺南曰乾光門夾建兩觀觀下列朱桁於塹以爲御路東曰含春門北有退門城上西面列觀五十步一睥睨屋臺置一鐘以和漏鼓西北連廡蔭墉北廣榭炎夏之日常以避暑爲綠水池一所穀水逕洛陽小城北因阿舊城馮結金墉故向地也向地疑作向北永嘉亂結以爲壘號曰洛陽壘故洛陽記曰陵雲臺西有金市金市北對洛陽壘者也又東歷大夏門下故夏門也陸機與弟書云門有三層高百尺魏

歷代帝王宅京記卷八

四

朱氏槐廬校刊

明帝造門內東側際城有魏文帝所起景陽山餘基尙存孫盛魏春秋曰黃初元年文帝愈崇宮殿雕飾觀閣取白石英及紫石英及五色大石於太行穀城之山起景陽山於芳林園樹松竹草木捕禽獸以充其中於是百役繁興帝躬自掘土率羣臣三公以下莫不展力山之東舊有九江陸機洛陽記曰九江直作員水水中作員壇三破之夾水得自逕通賦曰濯龍芳林九谷八溪芙蓉覆水秋蘭被崖今也山則塊阜獨立江無復髣髴

矣東京賦注引洛陽圖經云濯龍池名芳林苑名九谷八溪養魚池也渠水又東枝分南

入華林園歷疏圃南圃中有古玉井井悉以珉玉爲之以緇石爲口工作精密猶不變古璨焉如新又瑤華宮

南歷景陽山北山在都亭堂上結方湖湖中起御坐石也御坐前建蓬萊山曲池按筵飛沼拂席南面射侯夾席武峙背山堂上則石路崎嶇巖嶂峻嶮雲臺風觀纓巒帶阜其中引水飛翠傾瀾瀑布或枉渚聲溜潺潺不斷竹柏蔭於層石繡薄叢於泉側微飈暫拂則芳溢於六空入爲神居矣其水東注天淵池池中有魏文帝九龍殿洛陽宮殿簿有名殿式乾殿九華殿蔬圃殿而魏志云青龍三年還洛陽宮復崇華殿改名九龍殿殿基悉是洛中故碑累之今造釣臺於其上池南置魏文帝茅茨堂前有茅茨碑是黃初中所立也其水自天淵池東出華林園逕聽訟觀南故平望觀也魏明帝常言獄天下之命也每斷大獄恒幸觀聽之以太和三年

歷代帝王宅京記卷八

五

朱氏槐廬校刊

更從今名池水又東流於洛陽縣之南池池卽故翟泉也南北百一十步東西七十步皇甫謐曰悼王葬景王於翟泉今洛陽太倉中大冢是也春秋定公元年晉魏獻子合諸侯之大夫於翟泉始盟成周班固服虔皇甫謐咸言翟泉在洛陽東北周之墓地今按周威烈王葬洛陽城內東北隅景王冢在洛陽太倉中翟泉在兩冢之間側廣莫門道東建春門路北路卽東宮街也於洛陽爲東北後秦封呂不韋爲洛陽十五萬戶侯大其城并得景王冢矣是其墓地也及晉永嘉元年洛陽東北步廣里地陷有二鷺出蒼色者飛翔冲天白色者止焉陳留孝廉董養曰步廣周之翟泉盟會之地今色蒼胡

象矣其可盡言乎後五年劉曜王彌入洛帝居平陽陸
機洛陽記曰步廣里在洛陽城內宮東是翟泉所在不
得於太倉西南也京相璠與裴司空彥季修晉輿地圖
作春秋地名亦言今太倉西南地水名翟泉又曰舊說
言翟泉本自在洛陽北萇宏城周乃繞之杜預因其一
證必是翟泉而卽實非也後遂爲東宮池晉中州記曰
惠帝爲太子出聞蝦蟇聲問人爲是官蝦蟇私蝦蟇侍
臣賈盾對曰在官地爲官蝦蟇在私地爲私蝦蟇令曰
若官蝦蟇可給廩昔晉朝收愍懷太子於後池卽是池
也其一水自大夏門東逕宣武觀憑城結構不更層墉
左右夾列步廊參差翼跂南望天淵池北矚宣武場竹

歷代帝王宅京記卷八

六

朱氏槐廬校刊

林七賢論曰王戎幼而清秀魏明帝於宣武場上爲欄
苞虎阱使力士袒裼迭與之搏縱百姓觀之戎年七歲
亦往觀焉虎乘閒薄欄而吼其聲震地觀者無不辟易
顛仆戎亭然不動帝於門上見之使問姓名而異之場
西故賈充宅地穀水又東逕廣莫門北漢之穀門也北
對芒阜連嶺修垣苞總眾山始自洛口西踰平陰悉芒
壠也魏志曰明帝欲平北芒令登臺見孟津侍中辛毗
諫曰若九河溢涌洪水爲害邱陵皆夷何以禦之帝乃
止穀水又東屈而逕建春門石橋下卽上東門也阮嗣
宗詠懷詩曰步出上東門者也一曰上升門晉曰建陽
門百官志曰洛陽十二門每門候一人六百石東觀漢

記曰郅惲爲上東門候光武嘗出夜還詔開門欲入惲不內上令從門閒識面惲曰火明遼遠遂拒不開由是上益重之亦袁本初挂節處也橋者建兩石柱橋之右柱銘云陽嘉四年乙酉壬申詔書以城下漕渠東通河濟南引江淮方貢委輸所由而至使中謁者魏郡清淵馬憲監作石橋梁柱敦敕工匠盡要妙之巧攢立重石累高周距橋工路博流通萬里三月起作八月畢成其水依柱文自樂里道屈而東出陽渠昔陸機爲成都王穎入洛敗此而返水南卽馬市也舊洛陽有三市斯其一也

陸機洛陽記曰洛陽舊有三市一曰金市在宮南一曰西大城內二曰馬市在城東三曰羊市在城南

叔夜爲司馬昭所害處也北則白社故里也昔孫子荆

歷代帝王宅京記卷八

七

朱氏槐廬校刊

會董威輦於白社謂此矣又東逕馬市石橋橋南有二石柱並無文刻也漢司空漁陽王梁之爲河南也將引穀水以漑京都渠成而水不流故以坐免後張純堰洛而通漕洛中公私懷瞻是渠今引穀水蓋純之創也按陸機洛陽記劉澄之永初記言城之西面有陽渠周公制之也昔周遷殷民於洛邑城隍偪狹卑陋之所耳晉故城成周以居敬王秦又廣之以封不韋以是推之非專周公可知矣亦謂之九曲瀆故河南十二縣簿云九曲瀆在河南鞏縣西西至洛陽又按傅暢晉書云都水使者陳良鑿運渠從洛口入注九曲至東陽門是以阮嗣宗詠懷詩所謂朝出上東門遙望首陽岑又言遙遙

九曲閒徘徊欲何之者也陽渠水南暨閶闔門漢之上西門者也漢宮記曰上西門所以不純白者漢家厄於戍故以丹鏤之太和遷都徙門南側其水北乘高渠枝分上下歷故石橋東入城逕望先寺中有碑渠水又東歷故金市南直千秋門右宮門也又枝流入石逗伏流注靈芝九龍池魏太和中皇都遷洛陽經構宮極脩理街渠發石視之曾無毀壞又石工細密非今之所擬遂因用之其一水自千秋門南流逕神虎門下東對雲龍明二門衡楸之上皆刻雲龍風虎之狀以火齊傅之及其晨光初起夕景斜輝霜文翠照陸離眩目又南逕通門掖門西又南流東轉逕閶闔門南按禮王有五門謂

歷代帝王宅京記卷八

八

朱氏槐廬校刊

皋門庫門雉門應門路門路門一曰畢門亦曰虎門也魏明帝上法太極於洛陽南宮起太極殿於漢崇德殿之故處改雉門爲閶闔門昔在漢世洛陽宮殿門題多是大篆言是蔡邕諸子自董卓焚宮殿魏太祖平荊州漢吏部尙書安定梁孟皇善師宜官八分體求以贖死太祖善其法常仰繫帳中愛翫之以爲勝宜官北宮榜題咸是鵠筆南宮旣建明帝令侍中京兆韋誕以古篆書之書斷云師宜官南陽人靈帝徵天下工書於鴻都門數百人八分稱宜官爲最大則一字徑丈小則方寸千言梁鵠字孟皇安定烏氏人受書法於師宜官以善八分書知名韋誕字仲將京兆人諸書並善題署尤精皇都遷洛始令中書舍人沈含馨以隸書書之景明正始之年又敕符節令江式以大篆易之今諸桁榜題

皆是式書周官太宰以正月懸治法於象魏廣雅曰闕謂之象魏風俗通曰魯昭公設兩觀於門是謂之闕從門歛聲爾雅曰觀謂之闕說文曰闕門觀也漢官典職曰偃師去洛四十五里望朱雀闕其上鬱然與天連是明峻極矣洛陽故宮名有朱雀闕白虎闕蒼龍闕北闕南宮闕也東觀漢記曰更始發洛陽李松奉引車馬奔觸北闕鐵柱門三馬皆死卽斯闕也白虎通曰門必有闕者何闕者所以飾門別尊卑也今閭闔門外夾建巨闕以應天宿雖不如禮猶象魏之上而加復思以易觀矣廣雅曰復思謂之屏釋名曰屏自障屏也孛思在門外孛復也臣將入言事於此復重思之也穎容又曰闕

歷代帝王宅京記卷八

九

朱氏槐廬校刊

者上有所失下得書之於闕以求論譽於人故謂之闕矣今闕前水南道右置登聞鼓以納諫昔黃帝立明堂之議堯有衢室之間舜有告善之旌禹有立鼓之訊湯有總街之誹武王有靈臺之復皆所以廣設過誤之備也渠水又枝分夾路南逕出太尉司徒兩坊閒謂之銅駝街舊魏明帝置銅駝諸獸於閭闔南街陸機云駝高九尺卽出太尉坊者也水西有永甯寺熙平中始創也作九層浮圖浮圖下基方一十四丈自金露柈下至地四十九丈取法代都七級而又高廣之雖二京之盛五都之富利剝靈圖未有若斯之構按釋法顯行傳西國有爵離浮圖其高與此相狀東都西域俱爲莊妙矣

其地是曹爽故宅經始之日於寺院西南隅得爽窟室
下入地可丈許地壁悉纍方石砌之石作細密都無所
毀其石悉入法用渠左是魏晉故廟地今悉民居無復
遺墉也渠水又西歷廟社之間南注南渠廟社各以物
色辨方周禮廟及路寢皆如明堂而有燕寢焉唯祧廟
別無後代通爲一廟列正室於下無復燕寢之制禮天
子建國右廟有社以石爲主祭則希冕今多王公攝事
王者不親拜焉咸甯元年洛陽大風帝社樹折青氣屬
天元皇東渡晉社代昌矣王隱晉書曰武帝咸甯元年
八月大風折大社樹有青氣
出焉占曰東莞當有帝者明年
元帝生此晉室中興之表也 渠水自銅駝街東逕司
馬門南魏明帝始築闕崩壓殺數百人遂不復築故無

歷代帝王宅京記卷八

十

朱氏槐廬校刊

闕門南屏中舊有置銅翁仲處金狄旣淪故處亦禿唯
壞石存焉自此南直宣陽門經緯通達皆列馳道往來
之禁一同兩漢曹子建嘗行御街犯門禁以此見薄渠
水又東逕杜元凱所謂狄泉北今無水坎方九丈六尺
深二丈餘似是人功而不類於泉陂是驗非之一證也
又皇甫謐帝王世紀云王室定遂徙居成周小不受王
都故壞翟泉而廣之泉源旣塞明無故處是驗非之二
證也杜預言翟泉在太倉西南旣言西南於雒陽不得
爲東北是驗非之三證也稽之地說事幾明矣不得爲
翟泉也渠水歷司空府前逕太倉南東出陽門石橋下
注陽渠穀水逕閭闔而南土山東水西三里有土山其

山多峭坂以象二嶠積金玉採捕禽獸以充其中有人
殺苑兔者迭相尋逐死者十三人南出逕西陽門舊漢
氏之西明門也亦曰雍門矣舊門在南太和中以故門
卯出故徙是門東對東陽門穀水又南逕白馬寺東是
漢明帝夢見大人金色項佩白光以問羣臣或對曰西
方有神名曰佛形如陛下所夢得無是乎於是發使天
竺寫致經像始以榆欐盛經白馬負圖表之中夏故以
白馬爲寺名此榆欐榆欐未詳考之袁宏漢紀及牟子
密九欐文笥七枚之文解者以爲欐與甕通而齊民要
術云榆十五年後中爲車轂及蒲甕知以榆木爲甕
遠致蒲萄也甕欐三字互通後移在城內愍懷太子
則榆欐乃以榆木爲經函耳

浮圖中近世復遷此寺穀水又南逕平樂觀東李尤平

歷代帝王宅京記卷八

十二

朱氏槐廬校刊

樂觀賦曰乃設平樂之顯觀章秘偉之奇珍華嶠漢書
曰靈帝於平樂觀下起大壇上建十二重五采華蓋高
十丈壇東北爲小壇復建九重華蓋高九丈列奇兵騎
士數萬人天子住大蓋下禮畢天子躬擐甲稱無上將
軍行陣三匝而還設秘戲以示遠人故東京賦曰其西
則有平洛都場示遠之觀龍雀蟠蜿天馬半漢應劭曰
飛廉神禽能致風氣古人以良金鑄其形明帝永平五
年長安迎取飛廉并銅馬置上西門外平樂觀今於上
西門外無他基觀惟西明門外獨有此臺巍然廣秀疑
卽平樂觀也又言皇女稚殤埋於臺側故復名之曰皇
女臺晉灼曰飛廉鹿身頭如雀有角而蛇尾豹文董卓

銷爲金用銅馬徙於建始殿東堦下胡軍喪亂此象遂淪穀水又南逕西明門故廣陽門也門左枝渠東派入城逕太社前又東逕太廟南又東於青陽門右下注陽渠穀水又南東屈逕津陽門南故津陽門也昔洛水泛洪漂害者眾津陽城門校將築以遏水諫議大夫陳宜止之曰王遵臣也水絕其足朝廷中興必不入矣水乃造門而退穀水又東逕宣陽門南故苑門也皇都遷洛移置於此對閶闔門南值洛水浮桁故東京賦曰泝洛背河左伊右瀍者也門左卽洛陽池處也池東舊平城門所在矣今塞北對洛陽南宮故蔡邕曰平城門正陽之門與宮連屬郊祀法駕所由從出門之最尊者洛陽

歷代帝王宅京記卷八

十一

朱氏槐廬校刊

諸宮名曰南宮有謬臺臨照臺東京賦曰其南則有謬門曲榭依阻城洫注云謬門冰室門也依阻洫城下池也皆屈曲邪行依城池爲道故說文曰隍城池也有水曰池無水曰隍矣謬門卽宣陽門也門內有宣陽冰室周禮有冰人日在北陸而藏之西陸朝覲而出之冰室舊在宣陽門內故得是名門旣擁塞冰室又罷穀水又逕靈臺北望雲物也漢光武所作高六丈方二十步世祖嘗宴於此臺得鼯鼠於此臺上亦諫議大夫第五子陵之所居倫次子也

三輔決錄云第五頡字子陵

洛陽無主人鄉里

無田宅寄止靈臺或十日不炊穀水東逕平昌門南故平門也又逕明堂北漢光武中元元年立尋其基構上

圓下方九室重隅十二堂蔡邕月令章句同之故引水於其下爲辟雍也穀水又東逕開陽門南晉宮閣名曰故建陽門也漢官儀曰開陽門始成未有名宿昔有一柱來在樓上琅琊開陽縣上言南城門一柱飛去光武皇帝始來識視良是遂堅縛之刻記年月日以名焉何湯仲弓嘗爲門候上微行夜還湯閉門不內朝廷嘉之又東逕國子太學石經北周禮有國學教成均之法學記曰古者家有塾黨有庠遂有序國有學亦有虞氏之上庠下庠夏后氏之東序西序殷人之左學周人之東膠虞庠王制云養國老於上庠養庶老於下庠故有太學小學教國之子弟焉謂之國子漢魏以來置太學於

歷代帝王宅京記卷八

十三

朱氏槐廬校刊

國子堂東漢靈帝光和六年刻石鏤碑載五經立於太學講堂前悉在東側蔡邕以嘉平四年與五官中郎將堂谿典光祿大夫馬日磾議郎張訓漢書作馴韓說太史令單颺等奏求正定六經文字靈帝許之邕乃自書丹於碑使工鐫刻立於太學門外於是後儒晚學咸取正焉及碑始立其觀視及筆寫者車馬日千餘而填塞街陌矣今碑上悉銘刻蔡邕等名魏正始中又立古篆隸三字石經魏初傳古文出邯鄲滹石經古文轉失滹法樹之於堂西石長八尺廣四尺列石於其下碑石四十八枚廣三十丈魏文帝又刊典論六碑附於其次陸機言太學贊別一碑在講堂西下列石龜碑載蔡邕韓說高

堂谿等名太學弟子贊復一碑在外門中今二碑並無石經東有一碑是漢順帝陽嘉八年立碑文云建武二十七年造太學年積毀壞永建六年九月詔書修太學刻石記年用工作徒十一萬二千人陽嘉九年八月作畢碑南面刻頌表裏鏤字猶存不破漢石經北有晉辟雍行禮碑是太始二年立其碑中折但世代不同物不停故石經淪缺存毀幾半駕言永久諒用憮焉考古有三雍之文今靈臺太學並無辟雍處晉永嘉中王彌劉曜入洛焚毀二學尙髣髴前基矣穀水於城東南隅枝分北注逕青陽門東故清明門也亦曰稅門也亦曰芒門又北逕東陽門東故中東門也又北逕故太倉西洛

歷代帝王宅京記卷八

十四

朱氏槐廬校刊

陽地記曰大城東有太倉倉下運船常有千計卽是處也又北入洛陽溝穀水又東左迤爲池又東右出爲方湖東西一百九十步南北七十步故水衡署之所在也穀水又東南轉屈而東注謂之阮曲云阮嗣宗之故居也穀水又東注鴻池陂百官志曰鴻池池名也在洛陽東二十里丞一人二百石池東西千步南北千一百步四周有塘池中又有東西橫塘水溜逕通故李尤鴻池陂銘曰鴻澤之陂聖王所規開水東注出自城池也其水又東左合七里澗晉後畧曰成都王穎使吳人陸機爲前鋒都督伐京師輕進爲治軍所處大敗於鹿苑人相登躡死於塹中及七里澗澗爲之滿卽是澗也澗有

石梁卽旅人橋也昔孫登不欲久居洛陽知楊氏榮不保終思欲遯跡林鄉隱淪忘死楊駿埋之於此橋之東駿後尋亡矣凡是數橋皆纍石爲之亦高壯矣朱超石與兄書云橋去洛陽宮六七里悉用大石下員以通水可受大舫過也題其上云太康三年十一月初就功用七萬五千人至四月末止此橋經破落復更修補今無復文字

雒陽伽藍記曰魏太和十七年高祖遷都雒陽詔司空公穆亮營造宮室雒陽城門依魏晉舊名東面有三門北頭第一門曰建春門漢曰上東門阮籍詩曰步出上東門是也魏晉曰建春門高祖因而不改次南曰東陽

歷代帝王宅京記卷八

十五

朱氏槐廬校刊

門漢曰東中門魏晉曰東陽門高祖因而不改次南曰青陽門漢曰望京門魏晉曰清明門高祖改爲青陽門南面有三門東頭第一門曰開陽門初漢光武遷都雒陽作此門始成未有名忽中夜有柱自來在樓上後琅琊開陽縣上言縣南城門一柱飛去使來視之則是也因以開陽爲名魏晉及高祖因而不改次西門曰平昌門漢曰平門魏晉曰平昌門高祖因而不改次西曰宣陽門漢曰津陽門魏晉曰宣陽門高祖因而不改西面有四門南頭第一門曰西明門漢曰廣陽門魏晉因而不改高祖改爲西明門次北曰西陽門漢曰雍門魏晉曰西明門高祖改爲西陽門次北曰闔闔門漢曰上西

門上有銅璇璣玉衡以齊七政魏晉曰闔闔門高祖因而不改次北曰承明門高祖所立當金墉城前東西大道遷京之始宮闕未就高祖住在金墉城城西有王南寺高祖數詣寺沙門論義故通此門而未有名世人謂之新門時王公卿士常迎駕於新門高祖謂御史中尉李彪曰曹植詩云謁帝承明廬此門宜以承明爲稱遂名之北面有二門西頭曰大夏門漢曰夏門魏晉曰大夏門高祖世宗造三層樓去地二十丈雒陽城門樓皆兩重去地百尺唯大夏門薨棟干雲東頭曰廣莫門漢曰穀門魏晉曰廣莫門高祖因而不改自廣莫門以西至於大夏門宮觀相連被諸城上也一門有三道所謂

九達

城內永甯寺熙平元年靈太后何氏所立也在宮前闔闔門南一里御道西其寺東有太尉府西對永康里南界昭元曹北鄰御史臺闔闔門前御道東有左衛府南有司徒府司徒府南有國子學堂國子學南有宗正寺寺南有太廟廟南有護軍府府南有衣冠里御道西有右衛府府南有太尉府大尉府南有將作曹曹南有九級府府南有太社社南有凌陰里卽四朝時藏冰處也中有九層浮圖一所建義元年太原王爾朱榮總士馬於此寺永安二年五月北海王顥入雒在此寺聚兵三年逆賊爾朱兆囚莊帝於寺永熙三年二月浮圖爲

火所燒其年十月京師遷鄴

建中寺普泰元年尙書令樂平王爾朱世隆所立也本闔官司空劉騰宅在西陽門內御道北延年里宅東有太僕寺寺東有乘黃署署東有武庫署卽魏相國司馬文王府武庫東至闔闔門是也西陽門內御道南有永康里內有領軍將軍元叉宅孝昌元年太后誅叉等沒騰田宅普泰元年世隆爲榮追福題以爲寺

長秋寺劉騰所立在西陽門內御道北一里亦在延年里是晉中朝時金寺處寺北有濛汜池

瑤光寺世宗宣武皇帝所立闔闔門御道北東去千秋門二里千秋門內道北有西游園園中有凌雲臺臺

歷代帝王宅京記卷八

十七

朱氏槐廬校刊

是魏文帝所築者臺上有八角井高祖於井北造涼風觀登之遠望目極雒川臺下有碧海曲池臺東有宣慈觀去地十丈觀東有靈芝釣臺累木爲之出於海中去地二十丈風生戶牖雲起梁棟丹楹刻桷圖寫列仙刻石爲鯨魚背負釣臺如自空中飛下釣臺南有宣光殿北有嘉福殿西有九龍殿殿前九龍吐水成一海凡四殿皆有飛閣向靈芝臺往來三伏之月皇帝在靈芝臺避暑寺北有承明門有金墉城卽魏氏所築晉永康中惠帝幽於金墉城東有雒陽小城永嘉中所築城東北角有惠文帝百尺樓年雖久遠形製如初高社在城內作光極殿因名金墉城門爲光極門又作重樓飛閣遍

城上下從地望之如雲也

景樂寺太傅清河文獻王懌所立也在閭闔南御道西望永甯寺正相當寺西有司徒府北連義井里里北門外有桑樹數十株下甘井一所飲水庇陰多有憩者昭儀尼寺闔官等所立也在東陽門內一里御道南東陽門內道北太倉導官二署東南治粟里倉司官屬住其內寺有池京師學徒謂之翟泉銜之按杜預注春秋云翟泉在晉太倉西南按晉太倉在建春門內今太倉在東陽門內此地在今太倉西南明非翟泉也後隱士趙逸云此地是晉侍中石崇家池池南有綠珠樓於是學徒始寤

歷代帝王宅京記卷八

十八

朱氏槐廬校刊

修焚寺在青陽門內御道北有永和里漢太師董卓之宅也里南北皆有池卓之所造今猶有水冬夏不竭

建春門內御道南有句盾典農籍田三署籍田南有司農寺御道北有空地擬作東宮晉中朝時太倉處也太倉南有翟泉周迴三里卽春秋所謂王子虎晉狐偃盟於翟泉也水猶澄清洞底明淨高祖於泉北置河南尹

晉中朝時步廣里也

王隱晉書曰董養字仲道泰始初到雒下干祿求榮永嘉中雒城東

北角步廣里地陷中有二鷺蒼者飛去白者不能飛問之博識者莫能知養聞歎曰昔周時所盟會狄泉此地也中有二鷺蒼者胡象後胡當泉西有華林園中有大入雒白者不能飛此國諱也

海卽漢天淵池池中猶有文帝九華臺高祖於臺上造清涼殿世宗於海內作蓬萊山山上有僊人館上有釣

臺殿並有虹蜺閣乘虛來往至於三月禊日季秋九辰
皇帝駕龍舟鷁首游於其上海西有藏冰室六月出冰
以給百官海西南有景山殿山東有羲和嶺嶺上有溫
風室山西有姮娥峰峰上有寒露館並飛閣相通凌山
跨谷山北有元武池山南有清暑殿殿東有臨澗亭殿
西有臨危臺景陽觀山南有百果園園有柰林柰林南
有石碑一魏明帝所立也題云苗茨之碑高祖於碑北
作苗茨堂柰林西有都堂有流觴池堂東有扶桑海凡
此諸海皆有石竇流於地下西通穀水東連陽渠亦與
翟泉相連

城東明懸尼寺彭城武宣王勰所立也在建春門外石

歷代帝王宅京記卷八

十九

朱氏槐廬校刊

樓南穀水周迴繞城至建春門外東入陽渠石橋橋有
四柱在道南雒曰漢陽嘉四年將作大匠馬憲造孝昌
三年大雨頽橋柱始埋沒道北二柱至今猶存寺東有
中朝時常滿倉高祖令爲租場天下貢賦所聚蓄也
龍華寺宿衛羽林虎賁等所立也在建春門外陽渠南
寺南有租場陽渠北有建陽里里有土臺高三丈上作
二精舍趙逸云此臺是中朝旗亭也上有二層樓懸鼓
擊之以罷市

出建陽門外一里餘至東石橋南北而行晉太康元年
造橋南有中朝時牛馬寺刑嵇康之所也橋北大道西
有建陽里大道東有綏民里里有雒陽縣臨渠水綏

民里東有崇義里崇義里東有七里橋以石爲之中朝杜預之荊州出頓之所也七里橋東一里郭門開三道號爲三門離別者多云相迸三門外京師士子送去迎歸常在此處

莊嚴寺在東陽門外一里御道北所謂東安里也北爲租場里

秦太上君寺胡太后所立也在東陽門外二里御道北所謂暉文里當時太后正號崇訓母儀天下號父爲秦太上公母爲秦太上君爲母追福因以名焉

正始寺百官等所立也正始中立因以爲名在東陽門外御道南所謂敬義里也里內有典虞曹敬義里南有

歷代帝王宅京記卷八

二十

朱氏槐廬校刊

昭德堂

正等寺廣平武穆王懷捨宅所立也在青陽門外二里

御道北所謂孝敬里也

北史盧辯傳永熙二年平等浮圖成孝武會萬僧於寺石佛低

舉其頭終日乃止帝禮拜之辯曰石立社移自古有此陛下何怪

景甯寺太保司徒公楊椿所立也在青陽門外三里御道南所謂景甯里也道北有孝義里里西北角有蘇秦冢冢旁有寶明寺孝義里東卽是雒陽小市市北有殖貨里

城南景明寺宣武皇帝所立也景明中立因以爲名在宣陽門外一里御道東其寺東西南北方五百步前望嵩山少室卻負帝城正元年中太后造七層浮圖一所

北史彭城王勰傳景明寶德寺僧鳴鐘欲飯忽聞勰薨二寺一千餘大皆嗟痛爲之不食但飲水而齋

大統寺在景明寺西所謂利民里

秦太上公二寺在景明寺南一里西寺太后所立東寺黃姨所追並爲父追福因以名之時人號爲雙女寺並門鄰雒水林木扶疏寺東有靈臺一所基址雖頽猶高五丈餘是漢光武所立靈臺東辟雍是魏武所立至正光中造明堂於辟雍之西南上圓下方八牕四闔汝南王復造甄浮圖於靈臺之上

報德寺高祖孝文皇帝所立也爲馮太后追福在開陽門外三里開陽門御道東有漢國子學堂堂前有三種字石經二十五碑表裏刻寫之春秋尙書二部作篆科

歷代帝王宅京記卷八

三十一

朱氏槐廬校刊

斗隸三種字右漢中郎將蔡邕筆之遺跡也猶有十八碑餘皆殘復毀有石碑四十八枚亦表裏隸書寫周易尙書公羊禮記四部又讚學碑一所並在堂前魏文帝作典論六碑至太和十七年猶有四存高祖題爲勸學里武定四年大將軍遷石經於鄴雒陽開陽門外講堂長十丈廣二丈堂前石經四部本碑凡四十六枚西行尙書周易公羊傳十六碑存十二碑毀南行禮記十五碑悉壞東行論語三碑二碑毀禮記碑上有諫議大夫馬日碑議郎蔡邕名

勸學里東有延賢里

宣陽門外四里至雒水上作浮橋所謂永橋也神龜中常景爲汭頌南北兩岸有華表舉高二十丈華表上作鳳凰似欲冲天勢永橋以南圓邱以北伊雒之間夾御

道有四夷館道東有四館一名金陵二名燕然三名扶桑四名崦嵫道西有四館一曰歸正二曰歸德三曰慕化四曰慕義吳人投國者處金陵館三年以後賜宅歸正里北夷來附者處燕然館三年以後賜宅歸夷來附者處扶桑館賜宅慕化里西夷來附者處崦嵫館賜宅慕義里是以附化之民萬有餘家門巷脩整閭闔填列青槐蔭陌綠柳垂庭天下難得之貨咸悉在焉別立市於雒水南號曰四通市民間謂永橋市永橋南道東有白象獅子二坊

高陽王寺高陽王雍之宅也在津陽門外三里御道西寺北有中甘里

歷代帝王宅京記卷八

三十二

朱氏槐廬校刊

崇虛寺在城西卽漢之濯龍園也延熹九年桓帝祠老子於濯龍園設華蓋之座用郊天之樂此其地也

城西白馬寺漢明帝所立也在西陽門外三里御道南帝夢金人長丈六項背日月光明胡神號曰佛遣使向西域求之乃得經象焉時白馬負經而來因以爲名明帝崩起祇洹於陵上自此以後百姓冢上或作浮圖焉寶光寺在西陽門外御道北園中有一海號咸池普泰末雍州刺史隴西王爾朱天光總士馬於此寺寺門無何都崩天光惡之其年戰敗斬於東市

出西陽門外四里御道南有雒陽大市周迴八里市東南有皇女臺漢大將軍梁冀所造猶高五丈餘景明中

比邱道恒立靈仙寺於其上臺西有河陽縣市西北有
士山魚池亦冀所造卽漢書所謂採土築山十里九坂
以象二嶠者市東有通商達貨二里里內之人盡皆工
巧屠販爲生資財巨萬市南有調音樂律二里里內之
人絲竹謳歌天下妙技出焉市西有退酤治觴二里里
內之人多醞酒爲業市北有慈孝奉終二里里內之人
以賣棺槨爲業別有準財金肆二里富人在焉凡此十
里多諸工商貨殖之民千金比屋層樓對出重門啟扇
閣道交通迭相臨望自退酤以西張方溝以東南臨雒
水北達芒山其間東西二里南北十五里並名爲壽邱
里皇宗所居也民間號爲王子坊經河陰之役諸元殲

歷代帝王宅京記卷八

二十三

朱氏槐廬校刊

盡王侯第宅多題爲寺壽邱里間列剎相望

出閶闔門城外七里長分橋卽漢之夕陽亭也中朝時
以穀水迅急注於城下多壞民家立石橋以限之長則
分流入雒故名曰長分橋或云晉河間王在長安遣張
方征長沙王營軍於此因號張分橋也未知孰是今民
周語訛號爲張夫人橋朝士送迎多在此處長分橋西
有千金堰魏書崔亮爲僕射奏於張方橋東堰穀水造
水碾磨數十區其利十倍國用便之計其水利曰益千
金因以爲名昔都水使者陳勰所造今備夫一千歲恒
脩之

城北禪虛寺在大夏門御道西寺前有閱武場歲終農

隙甲士習戰千乘萬騎常在於此中朝時宣武場在大夏門東北今爲光風園苜蓿在焉

凝元寺在廣木門外一里御道東所謂永平里也

城東北有上高里殷之頑民所居處也高祖名聞義里遷京之始朝士住其中迭相譏刺竟皆去之唯有造瓦者止其內京師瓦器出焉

京師東西二十里南北十五里戶十萬九千餘廟社宮室府曹以外方三百步爲一里里開四門門置里正二人吏四人門士八人合有二百二十里寺有一千三百六十七所天平元年遷都鄴城雒陽餘寺四百二十一所